

Sakspapir

Sakshandsamar	Arkiv	ArkivsakID
Sveinung Toft	FA-T77	20/382

Saknr	Utval	Type	Dato
075/2020	Formannskapet	PS	31.08.2020

Prioritering knytt til betre mobildekning i Masfjorden kommune

Rådmannen sitt framlegg til vedtak:

Masfjorden kommune prioriterer å få til utbetring av mobildekninga ved Nordkvingo og i området Rambjørsvika/ Ytre Haugsdalen i perioden 2021 – 2022. Evt. tiltak må innarbeidast i økonomiplanen før realisering/oppstart.

Saksopplysningar:

Bakgrunn og fakta:

Masfjorden kommune var i videomøte med Telenor i april. På møtet var temaet om kva investeringar som må gjerast for å få styrka mobildekninga (4G) i Masfjorden.

Følgjande område var vurdert av Telenor etter innspel frå kommunen:



I møtet vart det vist eit notat (unnateke offentlegheit) frå Telenor med følgjande føringar:

Framdrift

- Framdrift er avhengig av tidspunkt for eventuell signering av avtale med kommunen
- Løsningen er avhengig av grunneigaravtale, byggjemelding, sambandsframføring og kraftframføring
- Etableringstid av basestasjon er frå ca.12 mnd. til fleire år.

Vidare vart det presentert ein oversikt over dei aktuelle 7 utbetningsområda og stipulerte kostnader.

Dei teoretiske dekningskarta viste at ei utbetring av mobilsignala i området ved Nordkvingo kan gje betre dekning til ca 70 bustader, 45hytter og 30 næringsdrivande, og at ei utbetring i området Haugsdal/ Rambjørsvika kan gje betre dekning til ca. 85 hus og ca 100 hytter og 47 næringsdrivande. Dei andre områda har lågare måloppnåing, t.d vil forbetring på Risnes gje betre dekning til 45 hus og 42 hytter til cirka same pris som Nordkvingo.

Utbetringa ved Nordkvingo vil i følge Telenor koste om lag krone 1.mill og utbetringa ved Haugsdal/ Rambjørsvika om lag krone 1,6 million. Kommunen må sjølv ta ansvaret for framføring av straum og grunneigaravtale der masta skal stå m.v.

Vurdering

Rådmannen vil peike på at det per i dag ikkje er gode tilskotsordningar for å utbetre denne typen infrastruktur. Det betyr at om ein inngå avtale med Telenor om utbetring av mobildekninga i utvalde område, vil det vera ein kostnad kommunen sjølv må ta. Samstundes vil ein vise til at god mobildekning er ein viktig infrastruktur både for innbyggjarar, næringslivet og for beredskap med vidare. Skal kommunen engasjere seg i denne typen infrastruktur er det naudsynt at kommunestyret gjer ei prioritering kor ein skal byrja. Rådmannen vel å leggja til grunn at ein prioriterer å få til utbetring der det er flest bustader, og rår difor til at ein satsar på området ved Nordkvingo og i Ytre Haugsdalen/ Rambjørsvika.

Konklusjon

Masfjorden kommune prioriterer å få til utbetring av mobildekninga ved Nordkvingo og i området Rambjørsvika/ Ytre Haugsdalen i perioden 2021 – 2022.

Formannskapet - 075/2020

FS - behandling:

Saka vart drøfta.

Framlegg til vedtak vart samrøystes vedteke.

FS - vedtak:

Masfjorden kommune prioriterer å få til utbetring av mobildekninga ved Nordkvingo og i området Rambjørsvika/ Ytre Haugsdalen i perioden 2021 – 2022. Evt. tiltak må innarbeidast i økonomiplanen før realisering/oppstart.

